

## ANDREAS DVDTIVS

IOANNI CRATONI S.



Væris, vir clarissime, quid de Cometarum significatione sentiam. Inuidiosa magis, quã difficilis responsio est, in tanta opinionum varietate: quibus docti homines in diuersas partes distrahuntur. Huc accedit, quod si quis non leuibus rationibus, et, quæ rationes, in rebus præsertim particularibus sensu atq; obseruatione constantibus, superat, experientia adductus, à communi populariçq; opinione sibi discedendum censet, is à superstitiosis hominibus, aut saltem plus æquo ob causarum ignorationem meticulosus, in horrendũ, grauissimumçq; crimen impietatis vocatur. quorum videtur superstitio veteri illi Romanæ similis, quæ Cometem, in Deorum numerum relatum, in templo Romæ coluit. Quare equidem tacere constitueram, & tuam potius sententiam exquirere: ad quam meam adiungerem. nõ enim parũ mihi cognita est pietas, atq; in omni doctrina ingenij, iudicijçq; tui præstantia. Sed quoniam iterũ abs te vrgeor, ab alijs etiam sæpius, dicendũ est aliquid, vt facilius sententia tua eliciatur. Etsi non sum nescius, quàm variæ, quàm pugnantes de Cometis veterũ Philosophorum sententiæ fuerint, vt nondum ex abdita illa naturæ obscuritate plane euolui eius vis, ac natura potuerit, nos tamen communem, quæ eadem Aristotelis quoçq; fuit, & qui eum magistrum sequuntur, opinionem, hoc loco, retinuimus. quam nihilominus, vt non per omnia sibi exquisitè constare putem, haud leuibus coniecturis impellor. & sane hæc tota de Meteoris disputatio, si qua in Physicis alia non satis habet firmitatis.

T Quod